



Lescha da taglia communal

per la vischnaunca Lumnezia

Cuntegn

I.	Disposiziuns generalas	3
Art. 1	Object	3
Art. 2	Dretg subsidiar	3
II.	Dretg material	3
Art. 3	Pei da taglia	3
Art. 4	Tariffa dalla taglia sin midada da proprietad	3
Art. 5	Tariffa dalla taglia sin beins immobigliars	4
Art. 6	<i>Scassau/reglau tenor dretg cantunal</i>	4
Art. 7	<i>Scassau/reglau tenor dretg cantunal</i>	4
Art. 8	<i>Scassau/reglau tenor dretg cantunal</i>	4
Art. 9	Tariffa dalla taglia sin ierta e donaziun	4
Art. 10	<i>Scassau/reglau tenor dretg cantunal</i>	4
Art. 11	Object da taglia	4
Art. 12	Subject da taglia	4
Art. 13	Deliberaziun da taglia	4
Art. 14	Calculaziun dalla taglia	4
III.	Dretg formal	5
Art. 15	Suprastonza communal	5
Art. 16	Uffeci communal da taglia	5
Art. 17	Scadenza	5
Art. 18	Termin da pagament	5
Art. 19	Relasch ed amortisaziun administrativa	6
Art. 20	Indemnisaziun per incassament	6
IV.	Disposiziuns finalas	6
Art. 21	Entrada en vigur	6

Lescha da taglia communal per la vischnaunca Lumnezia

sebasond sin la lescha davart las taglias communalas e davart las taglias da baselgia dil cantun Grischun (LTCTB) dils 31 d'uost 2006

I. Disposiziuns generalas

Art. 1 Object

¹ La vischnaunca Lumnezia impona las suandontas taglias tenor las disposiziuns dil dretg cantunal:

- a) ina taglia sin las entradas e sin la facultad;
- b) ina taglia sin il gudogn tras la vendita da beins immobigliars;
- c) ina taglia supplementara ed ina taglia penala sco era multas disciplinaras;
- d) ina taglia sin midada da proprietad;
- e) ina taglia sin beins immobigliars;
- f) ina taglia sin ierta e donaziun.

² La vischnaunca Lumnezia impona las suandontas taglias tenor questa lescha:

- a) ina taglia sin tgauns.

³ La vischnaunca Lumnezia impona plinavon las suandontas taglias tenor la legislaziun speciala:

- a) ina taxa da hosps;
- b) ina taxa per promover il turissem.

Art. 2 Dretg subsidiar

Aschilunsch che questa lescha cuntegn buca ina regulaziun, vegnan applicadas per analogia las disposiziuns dalla lescha davart las taglias comunalas e davart las taglias da baselgia¹ sco era dalla lescha cantunala da taglia².

II. Dretg material

1. TAGLIA SIN LAS ENTRADAS E SIN LA FACULTAD

Art. 3 Pei da taglia

¹ La taglia sin las entradas e sin la facultad vegn imponida en ina procentuala dalla taglia cantunala semplia.

² La radunonza communal decide il pli tard il meins da december davart il pei da taglia per igl onn fiscal suandont.

2. TAGLIA SIN MIDADA DA PROPRIETAD

Art. 4 Tariffa da taglia

La taglia sin midada da proprietad importa 2%.

¹ DG 720.200 – Lescha davart las taglias communalas e davart las taglias da baselgia (LTCTB) dils 31-08-2006, en vigur dapi 01-01-2007

² DG 720.000 – Lescha da taglia per il chantun Grischun dils 08-06-1986, en vigur dapi 01-01-1987

3. TAGLIA SIN BEINS IMMOBILGIARS

Art. 5 Tariffa da taglia

La taglia sin beins immobilgiars importa 1.5 %.

4. TAGLIA SIN IERTA E DONAZIUN

Art. 6 *Scassau/reglau tenor dretg cantunal*

Art. 7 *Scassau/reglau tenor dretg cantunal*

Art. 8 *Scassau/reglau tenor dretg cantunal*

Art. 9 Tariffa da taglia

¹ La taglia sin ierta e donaziun importa:

- a) per il tschep dils geniturs 5 %
- b) per ils ulteriurs retscheviders 15 %

Art. 10 *Scassau/reglau tenor dretg cantunal*

5. TAGLIA SIN TGAUNS

Art. 11 Object da taglia

Per mintga tgaun ch'ei pli vegls che treis meins e che vegn tenius sil territori communal ei da pagar ina taglia.

Art. 12 Subject da taglia

Obligaus da pagar la taglia ei il possessur dil tgaun. Il possessur ei obligaus d'annunziar ses animals alla vischnaunca enteifer 30 dis.

Art. 13 Deliberaziun da taglia

Deliberai da pagar la taglia ein possessurs per:

- a) tgauns da polizia;
- b) tgauns da lavina;
- c) tgauns da menar tschocs e suords;
- d) tgauns da saung.

Art. 14 Calculaziun dalla taglia

¹ La taglia importa ad onn per igl emprem tgaun 50.00 francs, per mintga ulterior tgaun ella medema casada 100.00 francs. La suprastanza communal ei cumpetenta d'augmentar questas tariffas entochen il dubel.

² Sch'il tgaun vegn buca tenius durant igl entir onn sil territori communal, vegn la taglia tuttina debitada per igl entir onn. Ina imposiziun pro rata dat ei buca.

³ Per tgauns che vegnan neutier da niev en vischnaunca ei il possessur deliberaus mo lu dalla taglia, sch'ei sa vegnir cumprovau, che la taglia da tgauns ei gia vegnida pagada per igl entir onn corrispudent en in'otra vischnaunca.

III. Dretg formal

1. AUTORITADS

Art. 15 Suprastonza communal

La suprastonza communal decida:

- a) davart damondas da levgiament fiscal;
- b) davart la participaziun a cunvegns da dretg vicendeivel dil cantun en caussas da taglia sin l'ierta e sin donaziuns.

Art. 16 Uffeci communal da taglia

¹ L'execuziun da questa lescha ei caussa digl uffeci communal da taglia, aschinavon che la vischnaunca ei cumpetenta persuerter.

² Igl uffeci communal da taglia ei ultra da quei cumpetents per l'execuziun dallas incumbensas che la lescha cantunala da taglia ha surdau allas vischnauncas.

³ La vischnaunca sa delegar sias atgnas incumbensas tenor alinea 1 e 2 a tiazas persunas.

2. INCASSAMENT

Art. 17 Scadenza

¹ Las taglias sin las entradas e sin la facultad scadan cun la retschevida dil quen provisorio ni cun la retschevida dalla disposiziun dalla taxaziun.

² La scadenza dalla taglia sin beins immobigliars sedrezza tenor las taglias directas, sch'ella vegn incassada ensemen cun quellas.

³ La scadenza dalla taglia sin il gudogn entras la vendita da beins immobigliars sco era dalla taglia sin ierta e donaziun sedrezza tenor il dretg cantunal.

⁴ Las ulteriuras taglias sco era las multas disciplinaras scadan cun la facturaziun.

⁵ Alla fin dall'obligaziun da pagar taglia en Svizra ni cun la declaraziun da concuors scada mintga taglia ni mintga multa immediat.

Art. 18 Termin da pagament

¹ Cun resalva da alinea 2 ein las taglias e las multas disciplinaras da pagar enteifer 90 dis dapi il datum da scadenza.

² Il termin da pagament dalla taglia sin il gudogn tras la vendita da beins immobigliars sco era dalla taglia sin ierta e donaziun sedrezza tenor il dretg cantunal

³ La taglia sin beins immobigliars, che vegn incassada separadamein, ei da pagar enteifer 30 dis dapi il datum da scadenza.

⁴ Il termin da pagament dalla taglia sin fundament dalla legislaziun speciala tenor art. 1 alinea 3 da questa lescha sedrezza tenor la corrispudenta legislaziun speciala.

⁵ Per las taglias sin entradas e sin la facultad sco era per la taglia sin beins immobigliars che vegn incassada ensemen cun quellas sa la suprastonza communal preveder il pagament en ratas duront igl onn che suonda igl onn fiscal.

⁶ Alla fin dall'obligaziun da pagar taglia en Svizra ni cun la declaraziun da concuors ei mintga taglia ni mintga multa da pagar immediat.

Art. 19 Relasch ed amortisaziun administrativa

¹ Davart damondas da relasch e davart amortisaziuns administrativas decida:

- a) igl uffeci communal da taglia tochen igl import da 1'000 francs ad onn;
- b) la suprastanza communal per imports pli aults.

3. INDEMNISAZIUN

Art. 20 Indemnisaziun per incassament

La vischnaunca Lumnezia vegn indemnisada dallas baselgias cantunalas e dallas pleivs cun 2 % dallas taglias ch'ei vegnidas incassadas.

IV. Disposiziuns finalas

Art. 21 Entrada en vigur

¹ Questa lescha ei vegnida approvada ils 23 da settember 2012 dalla cuminonza dils votants all'urna. Ella entra en vigur igl 1. da schaner 2013.

² La revisiun dalla lescha ei vegnida approvada ils 29 da november 2020 dalla cuminonza dils votants all'urna. Ella entra en vigur igl 1. da schaner 2021.

Il president communal:


Duri Blumenthal




Igl actuar:


Marcus Cavegn

Approbau dalla Regenza tenor il conclus dils 22.2021 nr. 9312021


En num dalla Regenza

Il president:


Dr. Mario Cavigelli



Il cancelier:


Daniel Spadin